



Praxis Et Brevis Declaratio Viæ Spiritvalis

Palma, Luis de la

Antverpiae, 1634

Modus faciendi examen generale.

[urn:nbn:de:hbz:466:1-60472](#)

SECVNDVS DIES.

Textus Exercitiorum S. Patris nostri.

Examinis generalis modus, particulas seu puncta quinque complectentis.

PRIMVM PVNCTVM est. Domino Deo nostro pro beneficiis acceptis gratias agendas esse.

SECVNDVM. Quòd debemus pro cognitione & expulsione peccatorum gratiam flagitare.

TERTIVM. De admissis præsentि die peccatis rationem ab animâ nostrâ exigere , per horas singulas ex quo surreximus vestigando: et primò quidem circa cogitationem , deinde circa loquelas atque operationem , eodem ordine quo in particulari examine traditum est.

QVARTVM. *Poscere cveniam de
delictis.*

QVINTVM. *Proponere cum Dei
gratiâ emendationem ; & Orationem
Dominicam post dicta omnia recitare.*

Pater noster, &c.

De examine generali.

EXamen generale est Exercitium tanti momenti, ut vix aliud reperias, quod dæmonis conatibus & temptationibus maius ponat obstaculum, nisi forte idem sit de examine particulari, propter easdem rationes; atque ita omni studio laborandum est, ut illud recte fiat.

Fines & fructus huius Exercitij sunt duo illi qui titulo illius comprehenduntur. *Ad purgationem animæ, & ad peccatorum confessionem utilissimum.* Puritas acquiritur tribus mediis. Primò, Cognitione radicis interioris vitiorum, ut eam præscindamus. Secundò, Exteriores